

## **Ikiaroorartut pillugit Namminersorlutik Oqartussat nalunaarutaat nr. 40, 23. decembari 2022-mersooq**

Ikiaroorartut pillugit Inatsisartut inatsisaanni nr. 24, 25. november 2022-meersumi §§ 1, 2 aamma 4 aamma § 5, imm. 2 aamma 3 naapertorlugit aalajangersarneqarput:

### *Nassuiaatit*

**§ 1.** Nalunaarummi uani ikiaroorartut pineqartut imatut paasineqassapput nakorsaatit, naasut naasuniillu nakorsaasiat, nalunaarummut allattorsimaffinnut A-mut, B-mut, C-mut, D-mut E-mullu ilanngunneqartut kiisalu tarajornitsut aammalu ikiaroorartunit pineqartunit pileriaannaat. Tassunga ilanngullugit esterit æterillu, ikiaroorartut taakkulu tarajui imaluunniit taakkunanit pilertut akoqannngilluinnarnersut, ilaannakortumik sanaajunersut, pinngortitameersuunersut akuutissanilluunniit sananeqarsimanersut apeqqutaatinnagit. Ikiaroorartunik taamatuttaaq paasineqassapput piareersakkat allattorsimaffimmi ikiaroorartunik, naasunik naasuniillu nakorsaasiassanik kiisalu taratsunik ikiaroorartuniillu pineqartunit pileriaannarnik taaneqartunik akullit sananeqarsimasulluunniit tamarmik, taamaattorli imm. 4 takuuk.

*Imm. 2.* Imm. 1-imi taaneqartunik allattukkanik nutarsaanissap pisariaqarnera pillugu Naalakkersuisut ilisimatinneqarnissaannut Nunatsinni Nakorsaaneqarfik pisussaaffeqarpoq.

*Imm. 3.* Sanaanik pineqarput: arortitat, kimikillisakkat, tangit qalatat, kimittusisitsinerit, imigassami arortitsinerit, sunilluunniit nakorsaasiornikkut nakorsaatissat, kiisalu ikiaroorartunik aamma naasunit nakorsaasiassanik piareersaanerit, taamaalilluni ikiaroorartut pissutsimikkut allanngortinneqarnatik.

*Imm. 4.* Ikiaroorartunut qulaani taaneqartunut ilaannngillat allattorsimaffimmi B-mi nr. 59-imut eqqaanartut taakkuninngalu piareersarneqarsimasut naasunit nakorsaasiassat, piumasaqaatit uku naammassineqarsimappata:

- 1) uumasunit naasunilluunniit nakorsaat imaluunniit sanaaq annerpaamik 0,2 pct.-imik tetrahydrocannabinolimik akoqarpat, aamma
- 2) uumasunit naasunilluunniit nakorsaat imaluunniit sanaaq Nunatsinni Nakorsaaneqarfiup akuerisaanit eqqussuisut arlaannit nunamut eqqunneqarsimappat, tak. § 9.

Allattuiffimmi A-mi, B-mi, C-mi, D-mi aamma E-mi allanneqarsimasunut ikiaroorartunut aalajangersakkat nalinginnaasut

**§ 2.** Ikiaroorartut allattuiffimmi A-mi allanneqarsimasut nunami nunatsinneqqusaanngillat,

Nunatsinni Nakorsaaneqarfik immikkorluinnaq pisoqarneratigut aamma erseqqinnerusumik aalajangersarneqartumik piunasaqarnikkut tamatumunnga akuersisimangippat.

*Imm. 2.* Imm. 1 malillugu akuersisummut ilaasut eqqaassanngikkaanni ikiaroorartunik imm. 1-imi taaneqartunik eqqussineq, annissineq, tunisineq, pisineq, tunniussineq, tigusineq, sananeq, piareersaneq paarisarnerlu inertequtaapput.

§ 3. Ikiaroorartut nunami maani taamaallaat nakorsaaneq imaluunniit ilisimatusarnissaq siunertaralugu atorineqqausaapput.

*Imm. 2.* Ikiaroorartunik eqqussineq, annissineq, tunisineq, pisineq, tunniussineq, tigusineq, sananeq, piareersaneq paarisarnerlu taamaallaat nalunaarummi matumani aalajangersakkat naapertorlugit pisinnaapput.

#### *Tunniussineq*

§ 4. Nakorsaatit pillugit inatsisartut peqqussutaat naapertorlugu malittarisassat matumunnga aalajangersarneqartut naapertorlugit ikiaroorartunik nakorsaatissatut atugassanik tunniussinissaq taamaallaat akuerisaavoq.

#### *Tigusineq paarisarnerlu*

§ 5. Ikiaroorartunik tigusineq paarisarnerlu ukununnga taamaallaat akuerineqarpoq:

- 1) Inuit ingerlataqarfiillu malittarisassat qaquguluunniit atuuttut naapertorlugit nakorsaatissanut allagartat imaluunniit allagaq naapertorlugu ikiaroorartunik tiguisut, imaluunniit nakorsaatinik nassiussuinnermi malittarisassat atuuttut naapertorlugit uumasut nakorsaannit imaluunniit nakorsamit ikiaroorartunik tiguisut.
- 2) Inuit katsorsartinnermut atatillugu nakorsamit, kigutit nakorsaannit, umiarsuup naalagaannit imaluunniit timmisartortartut naalagaannit ikiaroorartunik pisartagaqartut.
- 3) Pisortanit pigineqartut pinngortitalerinikkut, nakorsatut ilisimatusarnermi atortorissaarutitigullu laboratoriat ingerlataqarfiillu laboratoriami imaluunniit pisortat suliffianni pineqartumi pisortap arlaannit atsiorneqarsimasoq allagartaq naapertorlugu ikiaroorartut ilisimatusarnermi atornissat siunertaralugu ikiaroorartunik pisartagaqartut.
- 4) Nunatta Nakorsaataasivia, nunap immikkoortuini napparsimmaviit, peqqissaaviit, peqqissaasoqarfiit il.il., aammalu uumasut nakorsaat.
- 5) Inuit, suliffeqarfiit, laboratoriat ingerlataqarfiillu Nunatta Nakorsaaneqarfianit matumunnga akuerineqarsimasut.

## *Toqqortaait*

§ 6. Nunatta Nakorsaataasivia, nunap immikkoortuini napparsimmaviit allallu ikiaroorartunik tunniussinissamut pisinnaatitaasut ingerlatsinerup nalinginnaasup attannissaanut piumasarineqartunit allanik ikiaroorartunik amerlanerusunik uninngasuuteqaqqusaanngillat.

*Imm. 2.* Ikiaroorartut Nunatta Nakorsaataasiviani, nunap immikkoortuini napparsimmavinni, peqqissaavinni, peqqissaasoqarfinni il.il. aammalu uumasut nakorsaqaarfinni, ikiaroorartut nakorsaait pillugit Inatsisartut peqqussutaat naapertorlugu aalajangersarneqartumi tamanna pillugu malittarisassat atuuttut malillugit inissineqassapput.

*Imm. 3.* Ikiaroorartut illersorneqarsinnaasumik aamma inunnit susassaqaanngitsunit tikikkuminaatsuni kiisalu inuussutissanit inuulluarniutiniillu immikkoortillugit inissineqarsimassapput.

*Imm. 4.* Ikiaroorartut illersorneqarsinnaasumik poortorlugit imarisaatalu taaguutaanik nalunaaqutserlugit inissineqassapput.

## *Nioqquteqarneq*

§ 7. Ikiaroorartunik nioqquteqarneq Nunatta Nakorsaataasivianut aamma nakorsaait pillugit inatsisartut peqqussutaat malillugu maleruagassat aalajangersorneqarsimasut malillugit, nunap immikkoortuisa napparsimmaviannut kiisalu inunnut suliffeqaarfinnullu Nunatsinni Nakorsaaneqarfimmit tamatumunnga akuersissuteqartumit taamaallaat akuerisaavoq.

*Imm. 2.* Akuersissummi erseqqissumik allamik allassimasoqaanngippat, ikiaroorartunik nakorsaasiornikkut immikkut sulianik imaluunniit poortorneqaqqaarneriniit ammarneqarsimanngitsunik allanik, tiguneqarnerisulli poortorsimallutik tuniniaqqinneqartussanik aammalu poortoqqinneqanngitsunik oqimaalutaqqinneqanngitsunilluunniit nunami maani niueruteqarnissaq akuersissummi matumani taamaallaat pineqarpoq. Akuersissummit allamik allassimasoqaanngippat tassunga aamma ilaanngilaq ikiaroorartunik eqqussisinnaaneq imaluunniit annissisinnaaneq.

*Imm. 3.* Ikiaroorartunik niuernissamut akuersissut, akuersissummi erseqqissumik allamik allassimasoqaanngippat, akuersissummi allassimasumiit najukkamiit niuernermut killeqartinneqarpoq. Immikkoortortaniit niuerneq immikkut akuersissuteqarnermik pisariaqartitsivoq taamaallaallu pingaarnertut quersuarmit tiguneqartuniit poortukkanit ammarneqanngitsuniit pisinnaalluni.

## *Eqqussineq annissinerlu*

§ 8. Ikiaroorartunik allattorsimaffimmi A-mi, B-mi, C-mi, D-mi aamma E-mi allassimasunik eqqussineq annissinerlu nakorsaait pillugit inatsisartut peqqussutaat naapertorlugu matumunnga malittarisassat aalajangersarneqartut naapertorlugit taamaallaat akuerisaapput.

*Imm. 2.* Imm. 1 ikiaroorntunut allattorsimaffinni D-mi aamma E-mi allassimasunut, matumunnga aalajangersakkat aalajangersarneqartut naapertorlugit umiarsuarni nakorsaataasivinniittunut imaluunniit timmisartuni ikiueqqaarnermi karsiniittunut imaluunniit Naalagaaffeqatigiinnermi ilaaniittunut nassiussinernut atuutinngilaq.

**§ 9.** Nunatsinni Nakorsaaneqarfik allattorsimaffik B-mi nr. 59-imi allanneqartunut eqqaanartunik taakkuninngalu sanaanik uumasunit naasunilluunniit nakorsaatinik, tetrahydrocannabinolimik annerpaamik oqimaassusaata 0,2 pct.-ianik akulinnik eqqussinermut akuersissuteqarsinnaavoq.

*Imm. 2.* Imm. 1 naapertorlugu akuersissutit taamaallaat inatsisitigut pisinnaatitaasunut pisussaataasunullu nalunaarutigineqarsinnaapput.

*Imm. 3.* Imm. 1 naapertorlugu inatsisitigut pisussaataasut uumasunit naasunilluunniit nakorsaatinik eqqussinissamat akuerineqarsimasut akisussaaffigivaat, tunisassianut eqqunneqartunut tamanut tetrahydrocannabinolimik annerpaamik oqimaassusaata 0,2 procentianik akulinnut killissarititaasoq malinneqassasoq.

*Imm. 4.* Akuersissummik pissarsinermi piumasqaatit Nunatta nakorsaaneqarfianit suliarineqassapput. Akuersissummik naammassinnittoqanngippat Nunatta Nakorsaaneqarfiata akuersissut atorunnaarsissinnaavaa.

**§ 10.** Ikiaroorntunik eqqussineq aamma annissineq taamaallaat Naalagaaffeqatigiinnerup iluani nuna ataaseq aqputigalugu pisinnaavoq.

#### *Sananeq, naatitsineq poortueqqinnerlu*

**§ 11.** Ikiaroorntunik allattorsimaffinni A-mi, B-mi, C-mi, D-mi aamma E-mi allanneqarsimasunik naatitsineq sananerluunniit, imatut paasillugu ikiaroorntunik kemi atorlugu allannqortitsinikkut imaluunniit pinngortitameersunik sanaassanit immikkoortitsinikkut ikiaroorntunik taama ittunik pilersitsinerit kiisalu ikiaroorntunik taama ittunik allannqortitsinerit nakorsaati pillugit inatsisartut inatsisaat naapertorlugu matumunnga malittarisassat atuuttut naapertorlugit taamaallaat akuerisaapput.

*Imm. 2.* Imm. 1 aamma ikiaroorntunik misileraalluni naatitsinernut, sananernut imaluunniit allannqortinniarnernut atornerqarpoq.

*Imm. 3.* Imm. 1-imi taaneqartutut suliaqarnermi, inuit susassaqqanngitsut ikiaroorntunut periarfissaqassanngillat aamma ikiaroorntunik taama ittunik peqquserlulluni ilanngaasoqarnissaata pinaveersaartinnissaanik qulakkeerinninnarluni nakkutiginnittoqassalluni.

*Imm. 4.* Imm. 1-imi taaneqartunik ikiaroorntunik poortukkat niuertarfinnut niuertunillu pilersuisunut naatsorsuutigineqartut imatut matoqqassapput poortukkap ammarneqarsimanera ajornanngitsumik takuneqarsinnaalluni.

*Imm. 5.* Imm. 1-imi aamma 2-mi aalajangersakkat pisortanit pigineqartuni pinngortitalerinikkut, nakorsaanerme ilisimatusarfinni atortorissaarutitigullu laboratoriani ingerlataqarfinnilu

ilisimasartusarnissaq siunertaralugu allattuiffik D-mi aamma E-mi ikiaroonartunik allassimasunik sananermut imaluunniit allangortitsinermut atorneqassanngillat.

### *Naatsorsuutit*

§ 12. Nunatta Nakorsaataasivia, nunap immikkoortuini napparsimmaviit, uumasut nakorsaat kiisalu umiarsuit naalagai aamma timmisartuni ikiueqqaarnerni atortunut akisussaasut nakorsaatit pillugit Inatsisartut peqqussutaat naapertorlugu aalajangersarneqartuni tamanna pillugu malittarisassat qaqugukkulluunniit atuuttut naapertorlugit allattorsimaffik A-mi, B-mi, C-mi, D-mi aamma E-mi allassimasunik ikiaroonartunik uninngasuutit pillugit naatsorsuusiortassapput.

*Imm. 2.* Inuit, suliffeqarfiit, laboratoriat ingerlataqarfiillu Nunatsinni Nakorsaaneqarfimmit imm. 1-imi allanneqarsimasunik ikiaroonartunik ingerlataqarnissamut akuersissuteqartut ikiaroonartut pillugit imatut naatsorsuusiortassapput, paasisutissat uku qaqugukkulluunniit takuneqarsinnaassallutik:

- 1) Pisineq, tassunga ilanngullugu eqqussineq, suuneri, annertussusii, pilersuisoq, toqqorsivimmuut eqqunneranut ulloq, akiligassamut innersuussineq eqqussinermilu uppersaasatip normua allassimassallutik.
- 2) Tunisineq, tassunga ilanngullugu annissineq, nr. 1-imi allanneqarsimasunut naapertuuttumik allanneqartut.
- 3) Piareersakkanut atuineq. Piareersakkanik sananerni tamani ikiaroonartunik aamma naasunit nakorsaasiassanik atuineq pillugu naatsorsuusiortoqassaaq. Piareersakkat nalunaarummi matumani aalajangersakkanut tunngasut eqqarsaatigalugit, piareersakkanit pineqartunit iluanaarutit aamma sananermi immiinermilu takorluukkatut iluanaarutinit nikingassutaasut allanneqassapput.
- 4) Oqimaalutaanermi takorluukkatut iluanaarutinit nikinganerit imaluunniit tunisassatut eqqarsaatigineqartunik ikiaroonartunik pineqartunik mikininngorlugit aggorlugit immiinerit.
- 5) Piareersakkanik nr. 3-mi taaneqartunik, imm. 1-imi ikiaroonartunut taaneqartunut ilaatinneqanngitsunik taakkunangalu annissinissamut akuersissuteqartariaqanngitsunik annissineq.
- 6) Misissueqqissaarnermik siunertaqartumik atuineq aamma suunera, annertussusaa aamma atuinerit ataasiakkaat ullui allanneqarlutik misileraanerit misissueqqissaarnermik imaluunniit ikiaroonartup pineqartup atorneqarsimaneranut misiliinermik nalinginnaasumik uppersaasumik allaaserinnineq.
- 7) Ikiaroonartut eqqaaneqartut aserorterneqartut annertussusii.
- 8) Ikiaroonartunut allanut imaluunniit ikiaroonartuunngitsunik allanik allanngineq ikiaroonartut taaneqartut annertussusii suunerilu kiisalu taakkunanga pissarsiat.
- 9) Ikiaroonartut eqqaaneqartut sananeqartut imaluunniit naatinneqartut annertussusii.
- 10) Ikiaroonartunik taaneqartunik sananermi atorneqartut immikkut atortussiat annertussusii.
- 11) Toqqorsivinni pigineqartut ikiaroonartut taaneqartut annertussusii, imatut immikkoortiterneqarlutik takuneqarsinnaalluni ikiaroonartut imaluunniit naasunit nakorsaasiassat pigineqarnersut, suliarineqarnersut, piareersarneqarlutik naammassineqarsimasut aamma tuniagassatut poortorneqarsimallutik naammassisimasut qanoq annertutigisut.
- 12) Ikiaroonartunik taaneqartunik naatitsinermi atorneqartut naasut annertussusii.

*Imm. 3.* Imm. 1-imi ikiaroonartut immikkoortortat aqputigalugit niuerutigineqarpata taakku immikkut naatsorsuusiorneqassapput.

*Imm. 4.* Ikiaroonartunik imm. 1-imi taaneqartunik suliaqarnermut tunngatillugu naatsorsuutit allallu allagaatit sivikinnerpaamik ukiuni pingasuni toqqorsimaneqassapput.

*Imm. 5.* Imm. 1-imi taaneqartunut ikiaroonartunut tunngasunik toqqorsivinniittunik naatsorsuineq akuttunngitsumik isumagineqartassaaq, taamaattorli qaammatini pingasukkaani ikinnerpaamik ataasiarluni.

### *Ikiaroonartunik ingerlataqarfiit allat*

**§ 13.** Annissinermut eqqussuinermillu, pilersuinermit, sananermut imaluunniit niuernermit allaanerusumik ikiaroonartunik ingerlataqarnerit allat Nunatsinni Nakorsaaneqarfimmit tamatumunnga akuersissuteqartunit inunnut, suliffeqarfinnut, laboratorianut ingerlataqarfinnullu taamaallaat akuerisaavoq.

*Imm. 2.* Imm. 1-imi aalajangersagaq apeqqutaatinnagu pisortanit pigineqartut pinngortitalerinikkut, nakorsatut ilisimatusarnermi atortorissaarutigullu laboratorianut ingerlataqarfinnullu, ingerlataqarfiup nalinginnaasumik suliaqarfiata iluaniittunut siunertanut ikiaroonartunik immikkut akuersissuteqarnani atuisoqarsinnaavoq.

### *Ikiaroonartunik ingerlataqarnermut akuersissutip utertinneqarnera*

**§ 14.** Ikiaroonartunik suliaqarnissamut akuersissut Nunatsinni Nakorsaaneqarfimmit nalunaarutigineqarsimasoq qaqugukkulluunniit atorunnaarsinneqarsinnaavoq. Akuersissummut atasut naammasseqqusat piumasaqaatillu eqqortinneqarsimangippata, Nunatsinni Nakorsaaneqarfiup nakkutilliisuanit peqqussutaasut malinneqarsimangippata, imaluunniit ikiaroonartunik suliaqarnerup isumaginerani mianersortoqarsimangippat imaluunniit sumiginnaasoqarsimappat akuersissutip nalunaarutaasimasup atorunnaarsinneqarnissaa naatsorsuutigineqarsinnaavoq.

*Imm. 2.* Nunatsinni Nakorsaaneqarfiup ikiaroonartunik suliaqarnissamut akuersissut nalunaarutigineqarsimasoq qaqugukkulluunniit killilersinnaavaa imaluunniit allangortissinnaavaa.

*Imm. 3.* Ikiaroonartunik suliaqarnissamut akuersissummik nalunaarutigineqarsimasumik utertitsisoqarpat ikiaroonartunik uninngasuutit qanoq pineqassanersut pillugit Nunatta Nakorsaataasivia erseqqinnerusumik aalajangersaasinnaavoq.

### *Nakkutilliineq*

**§ 15.** Suliffeqarfiit, laboratoriat ingerlataqarfiillu ikiaroonartunik suliaqarnissamut Nunatsinni

Nakorsaaneqarfimmit akuersissuteqartut ikiaroorartut eqqortumik isumaginissaannut akisussaasumik inummik toqqaassapput.

§ 16. Nunatta Nakorsaataasivia, nunap immikkoortuini napparsimmaviit, peqqissaaviillu ikiaroorartunik suliaqarnerannik Nunatsinni Nakorsaaneqarfik nakkutilliissaaq.

*Imm. 2.* Matumunnga malittarisassat atuuttut naapertorlugit uumasut nakorsaasa ikiaroorartunik ingerlataqarnerannik nakkutilliisoqassaaq.

*Imm. 3.* Ikiaroorartunik suliaqarnissamat Nunatsinni Nakorsaaneqarfimmit immikkut akuersissuteqartunik inunnik, suliffeqarfinnik aamma laboratorianik Nunatsinni Nakorsaaneqarfik nakkutilliissaaq.

*Imm. 4.* Nunatsinni Nakorsaaneqarfik pisortat pinngortitalerinikkut, nakorsatut ilisimatusarnermi atortorissaarutigullu laboratoriat ingerlataqarfiillu ikiaroorartunik suliaqarnerannik nakkutilliisinnaavoq.

*Imm. 5.* Pisariaqarsorineqarpat naapertuussorineqarpallu nakkutilliinermik oqartussaasut allat imm. 2-mi taaneqartut nakkutilliissasut Nunatta Nakorsaaneqarfiata aalajangersinnaavaa.

*Imm. 6.* Nakkutilliinerit imm. 1-4-mi eqqaaneqartut pisariaqartinneqartut akulikitsigisumik ingerlanneqassapput. Oqartussat nakkutilliisut ininut, uninngasuutinut, atuakkanut niuernermilu pappiaqqanut, suliaqarnermut pineqartumut tunngatillugu nakkutilliinissamat pisariallit akornuserneqaratik pissarsiarisinnaavaat.

*Imm. 7.* Inuk, suliffeqarfimmik piginnittoq, laboratoriami imaluunniit ingerlataqarfimmi aqutsisoq nakkutilliisup kissaatigisinnaasaanik ikiaroorartunik suliaqarnermut tunngasunik paasissutissanik tunniussinissamat qaqugukkulluunniit pisussaaffeqarpoq.

*Imm. 8.* Amigaatit, nakkutilliinermi uppersarneqartut ingerlaannartumik iluarsineqassapput.

#### *Immikkut ittumik akuersissuteqarneq*

§ 17. Nunatsinni Nakorsaaneqarfik § 5-imit, § 10-mit, § 12, imm. 2-mit, 4-mit aamma 5-imit aammalu § 15-imit immikkut akuersissuteqarsinnaavoq, akuersissut peqqissutsitigut aarlerinartut pingaarutilittut nalilerneqanngippat pissutsillu immikkut ittut matumunnga pissutissaqartitsippata.

#### *Pineqaatissiissutit*

§ 18. §§ 2-8-mik aamma § 9, imm. 3-mik, § 10-mik, § 11-imik, 12, imm. 2-5-imik, § 13, imm. 1-imik, § 14 imm. 3-mik, § 15-imik, aamma § 16, imm. 7-imik, aamma 8-mik unioqqutitsisoq pinerluttulerinermi inatsit malillugu pineqaatissinneqarsinnaavoq.

§ 19. Nalunaarut 1. januar 2023-mi atuutilissaaq.

Namminersorlutik Oqartussat, ulloq 22. december 2022

Mimi Karlsen

Meeqqanut, Inuusuttunut, Ilaqutariinnut Peqqissutsimullu Naalakkersuisoq

/ Nike Berthelsen